



Broj: 01-04-8-594/22-4
Datum: 5.7.2022. godine

Na osnovu člana 69. stav (2) tačka a) i člana 70. stav 4. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-04-8-594/22-3 od 5.7.2022. godine, načelnik Općine Travnik, **donosi**

RJEŠENJE o poništenju postupka javne nabavke

- (1) Poništava se postupak javne nabavke broj 01-04-8-594/22 za javnu nabavku robe: „Nabavka, isporuka i ugradnja klima uređaja u zgradi općine Travnik“, iz razloga što nije dostavljena ni jedna ponuda u određenom krajnjem roku.
- (2) Za izvršenje ovog Rješenja zadužuje se Služba za zajedničke i komunalne poslove.
- (3) Ovo Rješenje objavit će se na web-stranici Općine Travnik, shodno članu 70. stav 6. Zakona o javnim nabavkama.

Obrazloženje

Postupak javne nabavke robe: „Nabavka, isporuka i ugradnja klima uređaja u zgradi općine Travnik“ bez podjele na lotove pokrenut je Rješenjem o pokretanju postupka broj: 01-04-8-594/22 od 23.5.2022. godine. Javna nabavka provedena je putem konkurentskog zahtjeva za dostavljanje ponuda. Procijenjena vrijednost javne nabavke bez uračunatog PDV-a iznosi 25.641,00 KM.

Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-7-1-72-3-63/22 od 8.6.2022. godine, a ispravka obavještenja broj: 54-7-1-72-8-66/22 objavljena je 20.6.2022. godine. Nakon uložene žalbe na tendersku dokumentaciju, ugovorni organ je obustavio postupak javne nabavke, svojim rješenjem usvojio žalbene navode i izvršio ispravku tenderske dokumentacije, te u skladu sa članom 53. stav (6) Zakona o javnim nabavkama produžio rok za dostavljanje ponuda. Rok za dostavljanje ponuda u skladu sa ispravkom obavještenja o nabavci bio je 4.7.2022. godine.

Uvidom u Izvještaj o preuzimanju tenderske dokumentacije od strane ponuđača, tendersku dokumentaciju je preuzelo 13 potencijalnih ponuđača, a tendersku dokumentaciju i izmjenu tenderske dokumentacije je preuzelo 7 potencijalnih ponuđača.

Komisija za javnu nabavku imenovana je Rješenjem broj: 01-30-10-744/22 od 24.6.2022. godine, te je shodno Članu 63. Zakona o javnim nabavkama BiH („Službeni glasnik BiH“ broj 39/14) pristupila javnom otvaranju ponuda.

Komisija za javne nabavke Općine Travnik dostavila je dana 16.6.2022. godine općinskom načelniku Zapisnik o radu Komisije i ocjeni ponuda koji je ujedno i izvještaj o radu Komisije broj: 01-04-8-594/22-3, sa preporukom o poništenju postupka i u kojem je konstatovano da za predmetnu nabavku nije pristigla ni jedna ponuda u određenom krajnjem roku.

U postupku ocjene provedenog postupka, načelnik Općine nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku je utvrđeno da je Komisija u svemu pravilno postupila, te da je preporuka o poništenju postupka data u skladu sa Zakonom, podzakonskim i internim aktima.

Iz navedenih razloga, primjenom člana 69. stav (2) tačka a) Zakona o javnim nabavkama BiH, odlučeno je kao u dispozitivu ovog Rješenja.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od pet dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Obradila: Aida Kavazović, dipl.iur.

DOSTAVLJENO:

- Web stranica UO
- a/a



N A Č E L N I K

dr.sci. Kenan Dautović

**POVLAŠTENJU NAČELNIKA
SEKRETAR OPĆINE**

Aida Daut, dipl.iur.